



FOTOAM-BAVAKA
Alakamisy 11 febroary 2021

Fiarahabana

Vavaka

Les trahisons d'Israël, des deux disciples et des autorités selon Marka 14.43-72

Hira : 479 :1 Jeso no anjara soa

Vakiteny 1. Marka 14.43-46

43 Ary niaraka tamin' izay, raha mbola niteny Izy, dia avy Jodasy, isan' ny roa ambin' ny folo lahy, sady nisy vahoaka niaraka taminy, nitondra sabatra sy langilangy, nirahin' ny lohan' ny mpisorona sy ny mpanora-dalàna ary ny loholona.44 Ary ilay hamadika Azy efa nanome famantarana ireo ka nanao hoe: Izay horohako no Izy; sambory Izy ka ento, fa aza avela ho afaka.45 Ary rehefa tonga izy, dia nanatona an' i Jesosy niaraka tamin' izay ka nanao hoe: Raby ô! dia nanoroka Azy izy.46 Ary ny olona naninjitra ny tânany taminy ka nisambotra Azy.

Ny namadihan'i Jodasy an'i Jesosy.

Hira : 479 :2 Vola sy harena be

Vavaka

Mba tsy hosodokan'ny harena mandalo isika fa hahay hatoky ny fitantanan'ny Tompo sy ny fitahiany.

Mivavaka mba hahay hijoro manoloana ny fakam-panahy maro (voninahitra, harena, sns...) ka haharitra amin'ny fanarahana an'i Kristy na inona na inona mitranga.

Mivavaka ho an'ireo sahirana.

Vakiteny 2. Marka 14.46-52

47 Ary ny anankiray tamin' izay teo anilany nanatsoaka ny sabany, dia nikapa ny mpanompon' ny mpisoronabe ka nahafaka ny sofiny.48 Ary Jesosy namaly ka nanao

taminy hoe: Mivoaka mitondra sabatra sy langilangy hisambotra Ahy toy ny hisambotra jiolahy va hianareo?49 Teo aminareo isan-andro Aho nampianatra teo an-kianjan' ny tempoly, nefa tsy nisambotra Ahy hianareo; fa mba hahatanteraka ny Soratra Masina izao.50 Ary samy nandao Azy izy rehetra ka nandositra.51 Ary nisy zatovo anankiray nanaraka Azy, ka lamba hariry madinika fotsiny ihany no nitafiany, ary nosamborin' ny olona teo izy.52 Dia navelany teny aminy ny lambany hariry madinika, ka nandositra nitanjaka izy.

Ny nandaozan'ny rehetra an'i Jesosy.

Hira : 479 :4 Eny izao rehetra izao.

Vavaka

Hifona noho ireo fotoana sy toe-javatra izay nanarahana ny fanaon'ny olona sy izao tontolo izao fa tsy araka ny fiadian'ny Fanahy.

Mangataka mba hifikitra mandrakariva amin'ny Tompo sy ny Teniny na inona na inona sedraina mba ho mpanompo mahatoky.

Mangataka ho an'ireo marary.

Vakiteny 3. Marka 14.53-65

53 Ary nitondra an' i Jesosy ho 2nya min' ny mpisoronabe izy ; ary niangona teo aminy ny lohan' ny mpisorona rehetra sy ny loholona ary ny mpanora-dalàna.54 Ary Petera efa nanaraka Azy teny lavidavitra eny hatrany amin' ny kianjan' ny tranon' ny mpisoronabe ; ary niara-nipetraka teo amin' ny mpiandry raharaha izy namindro teo anilan' ny afo.55 Ary ny lohan' ny mpisorona sy ny Synedriona rehetra nitady vavolombelona hiampanga an' i Jesosy hamonoany Azy, nefa tsy nahita.56 Fa maro no niampanga lainga Azy, nefa tsy nifanaraka ny fiampangany.57 Ary nitsangana ny sasany, dia niampanga lainga Azy nanao hoe :58 Izahay efa nandre Azy nanao hoe : Izaho handrava ity tempoly nataon-tanana ity, ary amin' ny hateloana dia hanangana hafa izay tsy nataon-tanana Aho.59 Fa tsy nifanaraka ny filàzany na dia tamin' izany aza.60 Ary ny mpisoronabe nitsangana nankeo afovoany, dia nanontany an' i Jesosy ka nanao hoe : Tsy mety mamaly akory va Hianao ? Inona no iampangan' ireto Anao ?61 Fa tsy niteny Jesosy sady tsy namaly akory. Dia nanontany Azy indray ny mpisoronabe ka nanao taminy hoe : Hianao va no Kristy, Zanak' ny Isaorana ?62 Ary hoy Jesosy : Izaho no Izy ; ary ho hitanareo ny Zanak' olona mipetraka eo ankavanan' ny Hery sady avy eo amin' ny rahon' ny lanitra.63 Ary ny mpisoronabe nandriatra ny fitafiany ka nanao hoe : Ahoana no mbola ilantsika vavolombelona indray ?64 Efa renareo ny fitenenany ratsy ; ahoana no hevitrareo ? Dia nataon' izy rehetra fa miendrika ho faty Izy.65 Ary ny sasany nandrora Azy, dia nanarona ny tavany sady namely tahamaina Azy ka nanao hoe : Maminania ; ary ny mpiandry raharaha namely tahamaina Azy koa.

Ny nitsarana an' i Jesosy teo anatrehan' ny mpirosonabe.

Hira : 479 :3 Fahefana, laza soa.

Vavaka

Mangataka ho antsika mba hahay handray ny fahamarinana sy hijoro amin'izany mandrakariva.

Mangataka ho an'ny Mpitondra Fiangonana mba hahay hiankina amin'ny Tenin' Andriamanitra eo amin'ny asa sy fandaminana ataony.

Mivavaka ho an'ireo namoy havana.

Vakiteny 4. Marka 14.66-72

66 Ary raha nitoetra teo ambany teo an-kianja Petera, dia avy ny anankiray tamin' ny ankizivavin' ny mpisoronabe;67 ary nony nahita an' i Petera namindro izy, dia nijery azy ka nanao hoe: Hianao koa nomba an' i Jesosy avy any Nazareta.68 Fa izy nandà ka nanao hoe: Tsy fantatro sy tsy azoko ny teninao. Dia niala ho eo am-bavahady izy, ary nisy akoho naneno.69 Ary ilay ankizivavy nahita azy indray, dia niteny tamin' izay teo anilany hoe: Io lehilahy io mba naman' ireny;70 fa izy nandà indray. Ary nony afaka kelikely, izay teo anilany koa dia nilaza tamin' i Petera hoe: Naman' ireo tokoa hianao; fa Galiliana hianao.71 Dia niozona sy nianiana izy ka nanao hoe: Tsy fantatro izany Lehilahy lazainareo izany.72 Ary niaraka tamin' izay dia nisy akoho naneno fanindroany. Ary Petera nahatsiaro ny teny izay nolazain' i Jesosy taminy hoe: Raha tsy mbola misy akoho maneno fanindroany, dia handà Ahy intelo hianao. Ary nony nieritreritra izany izy, dia nitomany.

Ny nandavan' i Petera Azy intelo.

Hira : 479 : 5 Jeso, aina, hery, zo.

Vavaka

Vavaka malalaka faranana amin'ny Vavaka nampianarin'ny Tompo.

FEHINY 2 Tim.2.11-13

Mahatoky izao teny izao: Fa raha miara-maty aminy isika, dia hiara-belona aminy koa; raha miaritra isika, dia hiara-manjaka aminy; raha mandà Azy isika, Izy kosa handà antsika; fa na dia tsy matoky Azy aza isika, dia mbola mahatoky ihany Izy, fa tsy mahazo mandà ny tenany.

Hira : 599 : 1,3 Ô, ry Jesosy mifaly ny foko.

Tsodrano Fil.4.7

Ny fiadanana' Andriamanitra, izay mihoatra noho ny fahalalana rehetra anie, hiaro ny fonareo sy ny hevitrareo ao amin' i Kristy Jesosy. Ho Aminareo mandrakariva anie ny Tompo !

